

INUIT ATAQATIGIIT

Inatsisartuni



UPA 2019/26

24-04-2019

Mikivsuk Thomassen

Uunga siunnersuut:

Uumasunik illersuineq pillugu Inatsisartut inatsisaata allanngortinneqarnera pillugu Inatsisartut inatsisaat nr. xx xx xxx 2019-imeersoq (Naalakkersuisunut oqartussaasutut pisinnaatitaanermik nuussineq aamma uumasunik kinguaassiuutitigut atoqateqarnermut inerteqqussut)

(Aalisarnermut, Piniarnermut Nunalerinermullu Naalakkersuisoq)

Naalakkersuisut aalajangiiffisassatut siunnersuutaannut Inuit Ataqatigiinniit qujavugut. Inuit Ataqatigiit soqutigisarivarput uumasuutitta qimuttuuppata nersutaataappataluunniit pitsaasumik pineqarnissaat. Taamaammat aamma iluarivarput uumasunik atoqateqartarnissaq inerteqqutaasunngortinneqarmat. Uumasuutitta iluaqutiginiarnerani aamma illersuineramik inatsiseqartariaqarpugut.

Uumasuutinit tatigineqarniarutta uumasut annilaangatinnagillu iluamik pineqarneranik ataqqineqarnerinik qujamasuutigineqarnerinillu misigitittariaqarpagut. Taamaammat naalakkersuisut inatsimmik ersarissaanerat iluaraarput.

Isumaqataavuguttaaq siunnersuut Nunatta imminut nerisassatigut pilersorsinnaanissaanut alloriarnerummat. Nunattsinnit avammut tuniniaasinnaaneq ilumoorullugu ingerlatilissagutsigu qularnaartariaqarpaput nammineq ingerlatileriikkat pitsaanerpaaffimminiinnissaat . Avataaniit tatigineqarsinnaasariaqarpugut uumasuuteqallaqqissuusugut, uumasullu pitsaasumik uumasuutigineqarnerat takutillugu.

Uumasuuteqarnermik illersuineq pioreeraluartoq ersarinnerusussanngormat nakkutigineqarnerilu ataavartuunissaanik qulakkeerinninniarnarat soqutigisaralutigut innersuussutigissavarput nakkutiginninneq siammassinnerusumik inngerlanneqarumaartoq.

Uumasuutit assigiinngissinnaaneri pillugit inassuteqaataat taparserlugu ataatsimiititaliamut ingerlateqqinneqarnissaa inassuteqaatigaarput.